



Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorūmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

Remedia contra Gulam & Ebrietatem.

urn:nbn:de:hbz:466:1-41214

exemplum: eum, qui ebrietate, quasi sepultus jacet in platea, si se movere possit, ne super eum currus transeat, aut saltem signum dare, ut currus alio divertat non esse perfecte & mortaliter ebrium. Nonne hoc etiam brutum facere possit? in quo ergo rationis usu talis differret à bruto?

Est ergo ebrietas perfecta peccatum mortale secundum communem & receptissimam doctrinam cum D. Thoma 2. 2. q. 150. a. 2. Certè S. Script. ad Galat. 5. 1. Petri 4. numerat inter peccata mortalia. Et Ratio est: quia gravis revera deformitas est, & grande malum, ipsique Deo valde injurium, imaginem Dei ita deturpare, & abjecta rationis potestate, quâ nihil in homine præstantius, ad brutum stupiditatem, solius voluptatis causa, ultrò se abjecere. Cùm igitur ebrietas per se intrinsecè malafit, evidens fit, peccare mortaliter eos, qui alias iussu, suasu, propinationibus ad se inebriandum inducunt; unde & sancti Patres tales graviter reprehendunt, ita Laym. l. 3. sect. 4. n. 6.

Remedia contra Gulam & Ebrietatem.

224. I. **O** Stendat turpitudinem & gravitatem hujus vitii præcipue si usque ad privationem usûs rationis ascendat: per illud enim fit homo deterior ipsis brutis, assimilatur stultis & amentibus, annumeratur idololatris, quorum Deus venter est.

II. Jubeat considerare damna, quæ ex hoc vitio nascuntur; quia ex D. Gregorio & Innocentio gula paradisiū occulsi, primogenitaram vendidit, suspendit pistorem, decollavit S. Joannem Baptis-

Pars II.

S

tam,

tam, princeps coquorum Nabozardan templum incendit, & Jerusalem totam evictit. Balthasar inter epulas manum scribentem vidit, & eadem nocte interfectus est a Chaldæis: verbo, propter crapulam multi perierunt: qui autem abstinent est, adjicit vitam.

III. Declaret, quantum periculum animæ subeant ebrii, id quod ex Jobi testimonio colligi potest, dicentis: Ducunt in bonis dies suos, & in puncto ad inferna descendunt: hinc monet Christus: Attendite vobis, ne forte graventur corda vestra in crapula & ebrietate, & superveniat in vos repentina dies illa. In confirmationem proderit narrare exemplum Holofernis, Amonis, Israëlitarum (de quibus Scriptura ait: adhuc carnes erant in dentibus eorum, & ecce furor Domini concitatur in populum, percussit eum plaga magna nimis) Adami, Esau, divitis epulonis illius, qui animam dæmoni vendidit; & alterius, qui, quia post compositionem gratias egit dæmoni, vivus ab eo afflatus est.

IV. Declaret, quomodo gula & ebrietas etiam in hac vita spoliet hominem sanitatem corporis, divitiis, honore & famâ; confirmet hæc omnia exemplo Noë denudati, Loth incestum duplum committentis, Alexandri Clitum optimum amicum occidentis. Mariti ob pecuniam gula absumptam depauperati, & liberos panem petentes occidentis &c.

V. Hortetur, ut societatem potatorum fugiat, & dum hi ad epulas invitant, ex altera parte Christum

tum Crucifixum ad abstinentiam hortantem sibi
imagineatur.

VI. Suadeat, ut in honorem Christi sitiens cer-
to tempore ab hospitio, vel immoderato potu ex-
tra tempus prandii aut cœnæ sumi soliti abstineat,
poenamque pro numero transgressionum su-
mat.

VII. Suadeat, ut exemplo Christi in temptatione
gulæ mentem ad meliorem cibum elevet, dicatque,
non in solo pane vivit homo, sed in omni verbo,
quod exit de ore Dei. Vel cibus meus est facere
voluntatem Patris mei, qui in cœlis est. Vel cum
S. Bernardo: Tua JESU dilectio, grata mentis re-
flectio, replens sine fastidio, dans famam deside-
o.

I.

I R A.

25. I. Ira definitur communiter: *Immoderatus appetitus vindictæ*. Explicatius Mar-
thant. Tribun. tom. 2. tract. 6. tit. 2. q. 2. Est commo-
dio inordinata animi vindictam, vel quasi vindictam in-
ordinatè appetentis. Iræ enim peccaminosæ duplex
inordinatio: una ex parte ipsius motus iræ, seu
modi irascendi; ut si nimium interius excandescas
vel exterius per signa nimis patefas: altera est ex
parte obiecti, seu vindictæ; ut si proximo appetas
vindictam injustam, vel justo majorem.

II. Ira inordinata primo modo quoad mo-
dum passionis, seu modum irascendi nimium, est
peccatum veniale ex genere suo. Est enim excessus
voluntarius in passione animi de se indifferenti,

S 2

quip-